

UEU-REN II. KONGRESUA

Angel Bidaurreazaga ■ UEU eta EIREko kidea

Euskal
Unibertsitateaz

EIRE elkarteak (Unibertsitateko Euskal Irakasleen Elkartea), sortu zenean, bi helburu nagusi jarri zituen bere jarduerarako. Bata unibertsitateko irakasle euskaldunen arteko harremana areagotzea eta bestea unibertsitate-eremuan euskara sustatzea. Bere estatutuak onartu zirenean, 'Euskal Unibertsitatea' helburutzat jarri zuen, baina memento hartan elkartekideen artean kontzeptu honen inguruan ikuspuntu desberdinak zeudela ikusita, gai honi buruz hausnarketa saioa egitea erabaki genuen. Handik urtebetera kongresua antolatu genuen, izenburu honekin: *Euskal Unibertsitatea 2021*: egiten ari garen euskarazko unibertsitatea*. Izenak dioenez, hoguei urterako proiektzio-saio bat egitea eskatu zien bere partaideei, oraingo egoeraren azterketa sakon batean oinarrituta. Kongresuaren ondorioetan, definizio hau onartu zen: «Euskal Unibertsitatea» euskarazko unibertsitate modura definitzen dugu eta euskaraz egiten den unibertsitate-irakaskuntza, ikerkuntza, kudeaketa eta egitura oro hartzen ditu bere baitan.

Kontzeptu orokor honek barnean hartzen ditu Euskal Herriko unibertsitate ezberdinetan egiten diren euskarazko jarduerak guztiak; adibidez, Baionako unibertsitate eremuan egiten diren euskal ikasketak zein Nafarroako Unibertsitate Publikoan egiten direnak. Horietako zein beste unibertsitateetako euskal irakasleak guztiaren zati bat garena onartu genuen. Noski, bertan sartuko litzateke UEU. Adibide soil modura parekotasun bat bilatzearren, unibertsitate espainoltzat har dezakegu Salamancako Unibertsitatea, ikuspuntu linguistikotik zein politikotik, EHU-UPV bezala, baina ikuspuntu linguistikotik Lima edo Buenos Aireseko unibertsitateak ere espainolak dira (espainoldunak), nahiz eta Espainiatik kanpo egon.

EUSKAL UNIBERTSITATEA

Euskarazko unibertsitate modura definitzen dugu eta euskaraz egiten den oro hartzen du bere baitan

na izatea. Areago, azken 30 urteotan unibertsitate ezberdinetan euskarak egin duen bilakaera ezin uler dezakegu UEU egon ez balitz. Euskal Unibertsitate orokor horren bihotza dira aspalditik UEUren jarduera eta bere kideek egin/egiten duten lana. Garapen-lan horrek ere lagundu dio EIREri bere sorkuntzan, eta honek hasieratik, barne-egiturako araudian hitzez hitz jarritz, unibertsitate-izaera aitortu dio UEUri.

Kontuan hartu behar da, EIRE, besteak beste, erakunde 'sektorial' bat dela, irakaslez soilik osatua, eta ez duela nahastean bere lan-eremua UEUrenarekin. Azken finean, elkarte biak, euskararen garapenerako tresna bi dira. Batzuetan elkarlanean jardungo dira, eta beste askotan bakoitza bere aldetik, bere funtzioa betez. Adibidez, EHU-UPV unibertsitatea zorrotz ari da espainiar gobernuaren LOU unibertsitate-legea aplikatzen eta, hori salatzeko, helegitea aurkeztuko du EIREk epaitegian, euskal irakasleoi —eta euskarari, jakina— kalte zuzena eragiten digulako. Hau noski, ez da UEUren betebeharra, beste askoren artean irakaskuntza eta liburgintza euskalduna sortzea bai zik.

Datorren larunbatean UEUren 2. kongresua euskal unibertsitatearen etorkizunerako beste urrats garrantzitsu bat izango da, eta beran EIREkide ugari egongo gara, beste UEUkideak bezala, euskarazko unibertsitatea lortzeko lanetan.

Udako Euskal Unibertsitateak (UEU) II. Kongresua egingo du larunbatean Bilboko Euskalduna jauregian. Gaur hasi eta batzarra bitartean kongresuari, eta oro har, euskal unibertsitateari buruzko iritzi artikulak publikatuko ditugu. **Bihar: Jose Miguel Campillo** (Mondragon Unibertsitateko irakaslea eta UEUko kidea)



MARISOL RAMIREZ / ARGAZKI PRESS

Ismael Diez eta Maite Orue, atzo Bilbon liburua aurkezten.

Minek eragindako
minak irudietan

TESTIGANTZA ZUZENA. Lau gazteren bizitza azaltzen duen liburua argitaratu du Gervasio Sanchez argazkilariak

Asier Iturriagaetxebarria | BILBO

Mugarik Gabeko Medikak eta Intermon Oxfam Gobernu Kanpoko Erakundeak (GKEk) urteetan ari dira pertsonen kontrako minak kentzearen aldeko borrokan. Lan hori saritzeko, Bakearen Nobel Saria ere jaso zuten 1997an, eta urte berean, Ottawako hitzarmena sinatu zuten munduko herri gehienek, minen kontrako borrokan parte hartzeko konpromisoa hartuz. Pertsonen kontrako minen borrokaren sasoi gorena izan zen hura, eta munduan zehar hori sustatzen lan handia egin zuen pertsonetako bat Gervasio Sanchez argazkilaria eta kazetaria izan zen.

Argazki liburua atera zuen orduan Sanchezek. Bertan, pertsonen kontrako minek zauritutako zazpi haurren gorabeherak azaldu zituen, argazkien bitartez. Bost urte geroago egoerak hobera egin badu ere, oraindik egiteko asko daudela pentsatzen dute Mugarik Gabeko Medikuek eta Intermon GKEk. «Gainera, nolabaiteko lasaitze bat nabaritu dugu azken urteetan, eta horri aurre egin behar diogu», agertu zuen Maite Oruek Intermon Euskadiko zuzendariak atzo Bilbon egindako aurkezpenean.

KALTEAK

Pertsonen kontrako minek populazioaren %10en bizitza baldintzatzen dute

Aurrera egitea lortu duten lau gazteren argazkiak

Horregatik, liburuaren bigarren zatia argitaratu du Sanchezek, GKE bien laguntzarekin. Liburu berrian orain bost urte umeak zirenen bizitzek nola eboluzionatu duten azaltzen du argazkilariak. Lau dira jada gazte egin dauden liburuko protagonistak: Kanbodiako Sokheum Man, Bosnia-Herzegovinako Adis Smajic, Mozambikeko Sofia El Face Fumo eta Afganistango Wahida Abed. Guztiek aurrera egin dute, eta gehienak euren ikasketak amaitzeaz daude. Gehien nabarmendu dena Sokheum Man da. Izan ere,

munduan barrena hainbat hitzaldi eman ditu pertsonen kontrako minek eragin ditzaketan ondorioei buruz.

Horren berri ondo baino hobeto daki Ismael Diez Mugarik Gabeko Medikak GKEko kideak. Kanbodian hainbat urte egin zituen beharrean, eta hantxe ezagutu zituen Sanchez eta Sokheum Man. «Lortutako Nobel Sariari hautsa kentzeko balio izan dit liburu honek. Gogora ekarri dit oraindik milioika direla munduan ipinita dauden minak», esan zuen Diezek, liburuaren aurkezpenean. Gainera, zuenez, mina horiek ez dituzte kalte fisikoak bakarrik eragiten. «Urtean 15.000-20.000 pertsona hiltzen dira minek eraginda; hori ez da ezer beste gaitz batzuekin alderatuta. Baina ahaztu egiten zaigu mina horiek populazioaren %10en bizitza baldintzatzen dutela». Izan ere, mina gehienak nekazaritzarako erabiltzen diren soroetan eta ur putzuetan daudela azaldu zuen Diezek.



HAURTZARO IKASTOLAK

Administrari laguntzaile bat behar du. Jardunaldia, goizeko 8:00etatik 10:30era izango da. Lanpostuari dagokion titulazioa, word, excel, access, nomina programa eta kontabilitate programen ezagupena baloratuko da. Curriculum Vitae-a aurkezteko azken data abenduaren 16a izango da. Ikastolako idazkaritzan, postaz, edo posta elektronikoz oiaztzun@ikastola.net helbidean egin daiteke.

Helbidea: K/Elorrondo z/g. 20180 OIARTZUN